

**ԱՇԽԱՏԱՆՔԻ ՇՈՒՆԱՅԻ ՁԵՎԱՎՈՐՈՒՄԸ ԵՎ ԶԲԱՂՎԱԾՈՒԹՅԱՆ
ՔԱՂԱՔԱԿԱՆՈՒԹՅԱՆ ՀԻՄՆԱՀԱՐՑԵՐՆ ԱՆՑՄԱՆ ՇՐՋԱՆՈՒՄ**

**Վ. Ն. ԽՈՋԱՐՆԻՅԱՆ
ՀՀ ԳԱԱ ակադեմիկոս**

1. Աշխատանքի շուկայի ձևավորման միտումները: Աշխատանքի շուկան ընդգրկում է հասկացություն է, բայց հիմնականում վերաբերում է աշխատուժի առը ու վաճառքի հետ կապված գործընթացներին: Վարձու աշխատանքներում ընդգրկվելու նպատակով աշխատուժի տնօրինողներն այն վաճառում են գործատուներին: Մնացած բոլոր ապրանքների նման, աշխատանքի շուկայում գոյանում է աշխատուժի գինը, որը Հայաստանում շատ ցածր է: Դրա հիմքում ընկած է աշխատուժի ցածր արժեքը: Վերջինս բացատրվում է հանրապետության տնտեսական դարգացման և աշխատանքի արտադրողականության չափազանց ցածր մակարդակով: Գնի վրա ազդում են նաև աշխատուժի պահանջարկի ու առաջարկի անհաշվեկշիռվածությունը, երբ առաջարկը շատ է գերազանցում պահանջարկին, բացահայտ և թաքուն գործազրկության մեծ մասշտաբները և այլ գործոններ:

Արդի փուլին հատուկ են մի շարք հայտանիշներ, որոնք վկայում են աշխատանքի շուկայի լարված իրավիճակը, աշխատուժի անընդհատ աճող առաջարկի նկատմամբ նվազող պահանջարկը: Դա բնորոշ է ԱՊՀ շատ երկրներին¹: Նորանկախ պետություններում առանձին ուսումնասիրողներ, այդ թվում տողերիս հեղինակը, աշխատանքի շուկայի ձևավորման մասշտաբների վրա ազդող ընդհանուր գործոնների թվին են դասում, օրինակ, բաղաձայնականությունների, երևան դալը, արտադրության կառուցվածքային փոփոխությունները, շուկայական հարաբերությունների և մրցապայքարի մեջ ներքաշվելը, համապատասխան շահութաբերություն չապահովող արտադրական

¹ Խնդրո առարկայի շուրջ զրականությունը նոր-նոր է ստեղծվում, քանզի իրական կյանքում աշխատանքի շուկայի ձևավորումն արդի տեսքով եռո կրկույթ է: Հրապարակի վրա են ՌԴ տնտեսագիտաների կողմից վերջին երկու-երեք տարիների ընթացքում լույս ընծայված առանձին գրքեր, գրքույկներ, ամսագրային հոդվածներ: Հարցը ինչ-որ չափով քննվում է նաև որոշագրկության և այլ թևմաներին նվիրված հրապարակումներում: Հոդվածը շարագրկիս մեղ համար, մասնավորապես ողտակար են եղել հետևյալ աշխատությունները: Рынок труда в России, под ред. К. И. Миккульского, М., 1995; Роль женщин в перестройке российской экономики, Вашингтон, 1994; Концепция женской занятости, М., 1991: Рынок труда и социальная политика в Центральной и Восточной Европе, под ред. Николае Барра; Публикации Всемирного Банка, Чехия, 1994; Учет оценки, приватизация. Нью-Йорк, 1994; И. Заславская, Труд, занятость, безработица, М., 1992; С. Белозерова, Социальная политика в сфере труда, М., 1995; *«Сектор»* От искусственного дефицита к реальной нехватке рабочей силы; Г. Дектярев, Регулирование занятости в условиях массового высвобождения: некоторые неувязки и неясности (*նույն տեղում*), (Российский социально-политический вестник, 1995, № 1); Проблемы занятости и безработицы в условиях перехода к рынку (там же, 1995, № 2); Социально-экономическая ситуация в России. (Вопросы экономики, 1994, № 2); Л. Миллер, Проблемы безработицы в Польше. Формы и методы к решению (Теория и практика управления, 1995, № 3); А. Неспорова, Тенденция и политика на российском рынке труда (там же, 1996, № 1). Вопросы статистики, 1995, № 2; Информационный статистический бюллетень, 1995, № 2 և այլն:

օղակների լրիվ կամ մասնակի սնանկացումը, դրանց լուծարումը կամ մասնատմանը ենթարկումը, խորհրդային համակարգի փլուզման հետևանքով տարրեր երկրների միջև տնտեսական կոոպերացիոն կապերի խզումը: Ամենուրեք բնորոշ դարձան արտադրության մասնատման անկումը, կապիտալ ներդրումների չափերի դանդաղածային կրճատումը, աշխատավարձի և ապրանքների գների անընդհատ խորացող ճեղքվածքը, սոցիալական լարվածությունը, բնակչության եկամուտների ձևավորման գործընթացի անկառավարելիությունը և այլն²: Այդուհանդերձ, ԱՊՀ երկրներում աշխատանքի շուկան գեոլոգիկ չափով ձևավորված չէ, աշխատուժի բարձր առաջարկը չի ուղեկցվում համապատասխան պահանջարկով, մեծ է դրանց միջև անհաշվելի շուկայական ծախսերը, իսկ շուկայի կարգավորող և շարժիչ ուժերը թույլ են:

ՀՀ-ում աշխատանքի շուկայի ձևավորման վրա ներազդեցին նաև այդ փուլում Հայաստանին յուրահատուկ մի շարք այլ երևույթներ: Դրանք հանդես եկան որպես հանրապետությունում ստեղծված աշխատաշուկայական իրավիճակի, երկրաշարժի, վատնիքաէներգետիկ ճգնաժամի, շահապատրաստված, անժամանակ և հախուռն ապապետականացման, ինչպես նաև ժողովրդագրական գործոնների (հատկապես բռնադադլած բնակչության հոծ դանդաղածների առկայության) անմիջական օպերատիվ արձագանքը³:

Աշխատաշուկայական իրավիճակն աշխատանքի շուկայի վրա ազդում է շրջափակումների, սուղ հումքային ռեսուրսները ներկրելու և արտադրված սպառարանի արտադրանքներն այլ երկրներ առաքելու անհնարինությունը հասնող բարդությունների պատճառով: Երկրաշարժի ազդեցությունը սլայմանավորված էր երկրաշարժի գոտում տնտեսության կազմալուծումով, այն վերականգնելու աշխատանքների ձգձգումով, ինվեստիցիաների պակասով և այլն: Վատնիքաէներգետիկ ճգնաժամի ավելի սուղ արտահայտվածությունը, որ կապված է նաև ատոմակայանը կանգնեցնելու հետ, հանգեցրեց բաղմամբ արտադրությունների փակմանը, դրանց մասնատման կրճատմանը, թեև Հայաստանում արտադրության մասնատմանը կրճատվել էին 1988-ի վերջերից: Ղարաբաղյան շարժման օրերին անհարկի փակվեցին շատ արդյունաբերական ձեռնարկություններ, սկիզբ առան և շարունակական բնույթ էին կրում գործադուլները: Աշխատանքի շուկայի վրա արտահայտիչ ազդեցություն ունեցավ նաև ժողովրդագրական իրավիճակը: Դա սլայմանավորված էր երկրաշարժի ժողովրդագրական հետևանքների, հարևան հանրապետություններից, Արցախից բռնադադլած հայ բնակչության հոծ դանդաղածների առկայությամբ, աշխատանքային տարիք մուտք գործող բնակչության չափերի և բնակչության թվականում տնտեսապես ակտիվ աշխատանքային տարիքի մարդկանց տեսակարար կշռի աճով, միգրացիոն գործընթացների խիստ ակտիվացմամբ⁴:

Ի տարբերություն այլ երկրների, Հայաստանում աշխատանքի շուկայի ձևավորման վրա որոշակիորեն ազդեց կապիտալի արտահոսումը: Տասնամյակների ընթացքում ուսանող ձեռքի կուտակված կապիտալը, մայր երկրում կիրառվելու բարենպաստ ասպարեզ չգտնելով՝ թողնվության և անիշխանության պայմաններում, ասպարեզ գտնելով այլ ափերում՝ իր ետևից մագնիսի նման ձգելով աշխատավոր երիտասարդությունը: Լնվեստիցիաների պակասը,

² Մանրամասն տե՛ս Рижок труда в России, с. 3—13.

³ Հայաստանում աշխատանքի առանձին կողմեր շատ հարևանցիորեն քննարկվում են մեր կողմից հրապարակված մի շարք հոդվածներում. տե՛ս Трудные ресурсы и проблемы занятости (Проблемы теории и практики управления, 1996, № 1), Աշխատանքային ռեսուրսները և դրանց վերարտադրությունը (էկոնոմիկա, 1992, № 11—12, 1993, № 1—2), Ակտիվացնել աշխատանքային ռեսուրսների օգտագործումը շուկայական հարաբերություններին անցնելու պայմաններում (էկոնոմիկա, 1993, № 9—10) և այլն:

⁴ Վ. Ե. Խոսրոբյան, Միջպետական միգրացիաները և դրանց ազդեցությունը բնակչության բնական վերարտադրության ընթացքի վրա (էկոնոմիկա, 1996, № 1—3, էջ 6—20):

իր հերթին, հանգեցրեց արտադրության մասշտաբների փոքրացման և աշխատատեղերի նվազման: Աշխատանքի շուկայի ձևավորման և աշխատուժի օգտագործման վրա հակասական ներգործություն են ունեցել ապապետականացումը և մասնավորեցումները: Նախ, արտագրության որոշ ճյուղերում դրանք հանգեցրել են աշխատողների թվակազմի ավելացման, որը, իր հերթին, մեծ մասամբ, ուղեկցվել է աշխատուժի օգտագործման արդյունավետության անկմամբ, աշխատանքի բնականոն միջին լարունության մակարդակի խիստ բարձրացմամբ: Օրինակ, գյուղատնտեսության մեջ զբաղվածների թվաքանակը 1990—1995 թթ. շուրջ երկու անգամ ավելանալու պայմաններում⁶ մշակվող հողատարածությունները խիստ կրճատվել են, համախառն բերքը չի ավելացել, այսինքն՝ տեղի է ունեցել զբաղվածության էքստենսիվ տիպի ընդլայնված վերարտադրություն, որն ուղեկցվել է աշխատանքի արտադրողականության խիստ անկմամբ:

Դրա հետ մեկտեղ գյուղատնտեսության մեջ մասնավորեցումները մի կողմից հանգեցրին աշխատուժի շուկայի նեղացման, մյուս կողմից՝ ընդլայնման: Բայց աշխատուժի շուկան գյուղում ավելի շատ նեղացավ, քան ընդլայնվեց: Դա տեղի ունեցավ այն պարզ պատճառով, որ սեփականատեր դարձած գյուղացին առաջին իր հողը ինքն է մշակում, պահում և խնամում իր անասունները: Տվյալ դեպքում աշխատուժը փոխանակության փուլով չի անցնում, բացակայում է դրա առջև ու վաճառորդ: Մասնավանդ, նշանակություն է ստացել նաև տնտեսություն վարելու բնամթերային ձևը:

Աշխատուժե շուկան ինչ-որ չափով ընդլայնվում է գյուղատնտեսական մթերքների վաճառքի հետ կապված գործարքներում: Ֆերմերային տնտեսությունները ստեղծվելու և գյուղատնտեսությունը ինտենսիվ հիմունքներով վարելու համեմատ կստեղծվեն համապատասխան նախադրյալներ՝ աշխատանքի շուկայի ընդլայնման համար:

Աշխատատեղերը հիմնականում ավելանում են շրջանառության բնագավառում, մասնավորապես մանրավաճառության մեջ, բանկային ֆինանսավարկային համակարգերում: Մասնավորեցումների ընթացքում ուլքեր չկարողացան խորհրդանշական գներով կամ անվճար տեր դառնալ պետական կամ կոոպերատիվ ունեցվածքի, զբաղմունք, հաց, լույս, տաք անկյուն ունենալու մտահոգությամբ և հուսալքությունից դրդված՝ թողեցին մայր երկիրը: Հանրապետությունում ստեղծված իրապայմանները տեղաշարժում են բոլոր նրանց, ուլքեր այլ երկրներում հաց վաստակելու և ընտանիքը պատասպարելու թեկուզ շատ չնչին հույս ունեն, կամ նույնիսկ այդ հույսն էլ չունեն: Մեր հաշվարկներով 1991—1995 թթ. Հայաստանի բնակչության միգրացիայի բացասական մնացորդը կազմել է շուրջ 1 մլն մարդ: Այսօր հանրապետության բնակչության մի ստվար հատված գոյատևում է նրանց ուղարկած միջոցների հաշվին:

Երկրորդ, բնորոշ է դարձել ժողովրդական տնտեսության շատ ճյուղերում աշխատողների թվակազմի նվազումը: Պաշտոնական տվյալներով, օրինակ, 1990—1995 թթ. աշխատանքային ռեսուրսների ընդհանուր թվակազմը մոտ 5.0 %-ով ավելանալու պայմաններում տնտեսության բոլոր ճյուղերում զբաղվածները պակասել են 11,5 %-ով: Կրճատումը խիստ նկատելի է արդյունաբերության մեջ (1990 թ. 494,8 հազարի դիմադ 1995 թ. 351,9 հազար), շենառարության (համապատասխանաբար 184,1 և 95,6), առևտրի (բացառությամբ մանրի), ծառայությունների, գիտության, կրթության, արվեստի և

⁶ Վ. Խոշարեկյան, Սեփականաշնորհումը և զբաղվածության արդի խնդիրները: Սեփականաշնորհումը Հայաստանում, գործընթացը, արդյունքները, հիմնախնդիրները, Երևան, 1996, էջ 27:

⁸ Հայաստանի վիճակագրական տարեգիրք 1993—1994, էջ 24:

⁷ Էկոնոմիկա, 1996, № 1—3, էջ 18—19:

այլ ոլորտներում⁸, Այս տվյալները իրական չեն: Շատ-շատերը չեն աշխատում, ոմանք նույնիսկ հայրենիքում էլ չեն, բայց որպես աշխատողներ, իրենց նախկին աշխատավայրերում մնում են հաշվառման մեջ: Դա առանձնապես բնորոշ է արդյունաբերական այն ձեռնարկություններին, որոնք ապապետականացվում են: Դրա հետ մեկտեղ, չպետք է անտեսել այն, որ վիճակագրական այդ տվյալների մեջ չի արտացոլվում տնտեսության ստվերային օղակներում ընդգրկվածների գերակշռող մասը: Իսկ դրանք հարյուր հազարից շատ են: Շատ մանր արտադրողներ և ձեռներեցներ, չգիմանալով հարկային ծանրությունը, պաշտոնական էկոնոմիկայից հեռանում են և ընդգրկվում հաշվառման չենթարկվող օղակներում:

Աշխատունակ բնակչության մի մասը չի աշխատում, որոշ մասն էլ իր աշխատունակությունը կիսատ-պռատ է գործադրում, ոմանց ստեղծած արդյունքները իրենց որակական հատկանիշներով ոչ միայն արտաքին, այլև ներքին շուկայում քննություն չեն բռնում: Սովորական է դարձել գործազուրկների, աշխատանք չունեցողների, աշխատատեղերում տարվա, ամիսների, օրերի և օրվա ընթացքում թերզբաղված բնակչության անընդհատ սովորացող մշտական և հոծ զանգվածների գոյությունը⁹: Աշխատանքի շուկայում 1990 թ. սկիզբ առած լարվածությունը հաջորդ տարիներին ընդունեց ահագնացող չափեր՝ աշխատուժի առաջարկը մերթ լճանալով մի պահ ընկրկեց պահանջարկի առջև, մերթ հորդանալով տարերայնորեն դուրս եկավ ափերից՝ տեղի տալով զանգվածային արտագաղթի և գործազրկության: Պաշտոնապես գրանցված գործազուրկները Հայաստանում 1993 թ. կազմել են 102,6, իսկ 1995 թ. 131,7 հազ. մարդ:

Այդ մասին է վկայում ներքոհիշյալ աղյուսակը:

Աղյուսակ 1

22 1995 թ. գործազուրկի կարգավիճակ ունեցողների բաշխումը
ըստ տարիքի և սեռի¹⁰

Տարիքային կազմը	Ընդամենը	Այդ թվում կանայք
մինչև 18 տարեկաններ	4930	3156
18—22	20030	13693
23—30	34667	24419
31—50	61012	44145
50-ից բարձր	11066	6403

Ինչպես նկատում ենք, գրանցված գործազուրկների մեջ եղանակ են ստեղծում կանայք: Ըստ որում 23—30 տարեկան գործազուրկ երիտասարդության տոկոսը գործազուրկների ընդհանուր թվակազմում շատ ավելի է, քան աշխատունակ տարիքի բնակչության մեջ այդ սոցիալ ժողովրդագրական խմբի տեսակարար կշիռն է: Դրանց գերակշռող մասն ընդհանուր միջնակարգ և միջնակարգ մասնագիտական կրթություն ունեցողներն են (76,7 %): Գրանցված գործազուրկների մոտ 30,0 %-ը բանվորներ են, 21,5 %-ը՝ որակավորում չունեցողները¹¹: Անկասկած, պաշտոնական տվյալները նույնպես երևույթի իրական պատկերը ճիշտ չեն արտահայտում:

⁸ Հաշվարկները կատարվել են 22 վիճակագրության վարչության տվյալների հիման վրա, տե՛ս նաև Հայաստանի վիճակագրական տարեգիրք, 1993—1994, էջ 24:

⁹ Մանրամասն տե՛ս էկոնոմիկա, 1993, № 9—10, էջ 3—4:

¹⁰ 22 վիճակագրության վարչության տվյալներով:

¹¹ Հաշվարկները կատարվել են նույն վարչության տվյալներով:

Նախ, դբադվածության ծառայության պետական մարմինները որպես գործադուրկ գրանցում են ոչ բոլորին: Որպես գործադուրկ հաշվառման չի վերցվում «թաքնված գործադուրկների» անընդհատ վերարտադրվող մի վիթխարի դանգված: Շատ արդյունաբերական ձեռնարկություններ տարվա ընթացքում աշխատում են ոչ լրիվ կարողությամբ, իսկ ձևաձևն ուղղակի չեն գործում: Դրանցում ընդգրկվածների մի դգալի մասը ցուցակային թիվ է, որոնք աշխատավարձ չեն ստանում, պարապուրդների համար նրանց չեն վճարում, նրանց՝ որպես գործադուրկ հաշվառման վերցնելու համար բաղմաթիվ արգելքներ են հարուցվում:

Երկրորդ, ոմանք խուսափում են հաշվառման համար նման ծառայություններին դիմելուց, «գործադուրկի» պիտակ կրելուց, որպես գործադուրկ անընդհատ վերահաշվառումից, աշխատանքային գրքույկում սև բիծ թողնելուց¹²:

Երրորդ, հետաքրքրություն չեն ներկայացնում գրանցված գործադուրկներին աշխատելու համար առաջարկվող տեղերը, գործատուների կողմից գործադուրկներին աշխատանքի ընդունելու գործընթացներում քաշքշուկ է տիրում: Բնականոն ձևով չեն իրացվում դրանց վերադարձվողները կամ նոր որակ ձեռք բերելու կարգը:

Չորրորդ, գրանցման համար գրեթե շահագրգռություն չի ստեղծում գործադուրկներին հատկացվող չափազանց ցածր նպաստ: Շատերին ձեռնտու է անլեգալ աշխատանքով պատահական վաստակը, քան որպես գործադուրկ հաշվառման մեջ մնալու: Որոշ դեր է խաղում նաև գործադուրկների վերապատրաստման և նոր որակ ձեռք բերելու հարցում սլեական ծառայությունների կողմից «Զբաղվածության մասին օրենքի» պահանջների անտեսումը, դբադվածության պետական ծրարների բացակայությունը և այլն: Այս և գործադուրկներին աշխատանքի տեղավորելու այլ հարցերում պետական մարմինների և գործատուների միջև համապատասխան կապ և համագործակցություն չկա:

Հինգերորդ, ի տարբերություն արևմտյան երկրների, Հայաստանում որակավորում ունեցող գործադուրկներն ավելի դժվար և անլուծելի կացության առջև են հայտնվում, քան որակավորում չունեցողները:

ՀՀ-ում գործադրկությունն ավելի սուր է արտահայտվում խոշոր և միջին քաղաքներում, ինչպես նաև այն փոքր քաղաքներում ու դյուղական շրջաններում, որոնք արդյունաբերական տեսակետից միակողմանի դարգացում ունեն: ՀՀ աշխատանքի շուկայում գործադրկության աճը պայմանավորված էր.

- 1) Շուկայական գործընթացների ակտիվացման քսուղաքականությամբ (մասնավորեցումներ, ձեռնարկությունների լուծարում, սնանկացում, մրցություն և այլն)¹³: Դործընթացը շուղեկցվեց արդյունաբերության մեջ նոր աշխատատեղերի ստեղծումով: Դա ծնեց նաև սոցիալական հակասություններ:
- 2) Արտադրության շարունակվող անկումով՝ արտադրական կարողությունների շարքից դուրս գալու հետևանքով, որը շուղեկցվեց նոր հղորկությունների դործարկմամբ, ակտիվ տնտեսական և մասնավորապես կառուցվածքային փոփոխության մշակման ու կիրառման դործնական նպատակներ հետապնդող ձեռններեցությանն աջակցելով:

Դործադրկության աճը Հայաստանում մոտ ապագայում նույնպես տնխուսափելի է, թեև դրա մոսղտալները, լճացման աստիճանը, այն հաղթահարելու ժամկետները վճռականորեն կախված են տնտեսական քսուղաքականությունների ընտրությունից: Ե՛վ սոցիալտնտեսական քաղաքականությամբ թե-

12 Նման իրավիճակը հատուկ է նաև Խուսաստանի Դաշնությունում, տե՛ս Проблемы теории и практики управления, 1990, № 1, с. 45.

13 Էկոնոմիկա, 1993, № 9—10, էջ 4:

լադրվող ուղղվածությունը, և՛ արտադրության աճի միտումները առայժմ անվիճելիորեն վկայում են առաջիկայում գործադրկության մասշտաբների ավելացման մասին:

Բարձրացող դների և վաստակի միջև անընդհատ խորացող տարանջատումը աստիճանաբար կյանքի կոչեց և շատերին մղեց «ինքնակամ» աշխատատեղեր լքելու վարքագծի ձևավորմանը, հիմք դարձավ «թաքուն» գործադրկության մասշտաբների ընդլայնման համար: Այդ վարքագիծը ի հայտ եկավ տնտեսական հարկադրանքի աղղեցության տակ, թեև երևույթների մակերեսի վրա աշխատատեղեր լքելը կրում է «կամավոր» բնույթ, բացակայում է իրավական հարկադրանքը:

Աշխատատեղեր կորցնելը ումանց համար դարձավ ավելի գերադասելի, քան այն ունենալը, քանի որ բյուջետային հիմնարկներում աշխատողների աշխատավարձը շատ հեռու է ապրուստի նվազագույն մակարդակն ապահովելուց, շատ դեպքերում անգամ տրանսպորտի ծախսերը չի հատուցում: Մինչդեռ ՌԴ քաղաքացիները վախ են արտահայտում աշխատանքը կորցնելու վտանգի համար: 1993 թ. հուլիսին ՌԴ քաղաքային բնակչության շրջանում պետվիճվարչության անցկացրած հարցումների արգյունքները վկայում են, որ մասնակիցների մեծ մասը՝ 2/3-ը գերադասում են ունենալ թեկուզ քիչ, բայց երաշխավորված վաստակ: Հարցման մասնակիցների 60 %-ը չի բացառում մոտ ժամանակներում աշխատանքը կորցնելը, 10 %-ը կարծում է, որ նոր աշխատատեղ ունենալը փաստորեն իրական չէ: 1994 թ. հունիսին ՌԴ մի այլ հարցման տվյալներով, հարցման ենթարկվածների 56,1 %-ը գործադրկության լուրջ վտանգ է ակնկալում¹⁴, ի տարբերություն Հայաստանի, ՌԴ-ում աշխատատեղեր կորցնելու համար վախը բացատրվում է նրանով, որ աշխատավարձը ինչ-որ չափով ապահովում է ապրուստի նվազագույն մակարդակը: Հենց այդ պատճառով էլ ՌԴ գների ազատ արձակման և սղաճի հարուցած ցնցահարվածը չկարողացավ վերացնել սպառման նվազագույնը պահպանելու համար գերադասելի երաշխավորված զբաղվածության ցանկությունը¹⁵:

2. Աշխատանքի շուկան և զբաղվածությունը: Ներկա պայմաններում, ՀՀ-ում աշխատանքի շուկայի իրավիճակի սրությունը, անկասկած, կապված է ոչ միայն գործադրկության աճի, այլև զբաղվածության կառուցվածքի ձևախեղման, նոր անհամամասնությունների առաջացման, որակավորում պահանջող աշխատանքի ոլորտի նեղացման, որակավորում չպահանջող աշխատանքի ոլորտի ընդլայնման¹⁶, ուստի և աշխատանքային ներուժի օգտագործման արդյունավետության նվազման և, ընդհակառակը, դրա բարձրացման հեռանկարների բացակայության հետ: Զբաղվածության մասին պատկերացումը չի սկսվում ու չի ավարտվում հաշվառման վերցված և «թաքուն» գործադրկությունների աշխատանքով ապահովելով կամ դրանց նպաստ վճարելով: Զբաղվածության քաղաքականությունն ավելի ընդգրկուն է. գործադրկություններից տրվող օգնությունը դրա մի մասն է: Այդ քաղաքականության ողջ իմաստը արդյունավետ զբաղվածություն և աշխատանքային ներուժի զարգացում ապահովելն է: Առաջինը հասարակական արտադրության կառուցվածքային առաջադիմական տեղաշարժեր իրականացնելու միջոցով ապահովում է աշխատունակ տարիքի բնակչությանը զբաղվածության համապատասխան ոլորտներում ընդգրկելու: Դրանով իսկ զբաղվածության բանական կառուցվածքի հիմքն է դրվում: Երկրորդն իրականացվում է կրթական, մասնագիտական պատրաստման համակարգի զարգացմամբ, կադրերի պատրաստման,

¹⁴ Вопросы экономики, 1994, № 2, с. 145; Рынок труда в России, с. 20.

¹⁵ Вопросы экономики, 1994, № 2, с. 145.

¹⁶ Այդպես է վիճակը նաև ՌԴ-ում, տե՛ս Российский социально-политический вестник, 1995, № 2, с. 5.

վերապատրաստման և որակավորման բարձրացման միջոցով: Կարևորվում է հասարակական արտադրությունից արհեստավարժ տեսակետից ոչ պիտանի աշխատատեղերի վերացման, գրանցում ընդգրկված աշխատողներին աշխատանքից աղատելու ընթացքի կարգավորումը, նոր աշխատատեղերի ստեղծումը և դրանք նոր որակավորում ունեցող մարդկանցով համալրելու գործընթացը: Խնդիրը գործընթացին նպաստող օրենսդրական դաշտի ստեղծումն է, տնտեսական լծակների կիրառումը, որոնք կդառնան ոչ միայն հին աշխատատեղերի անհետացմանը նպաստող, այլև գործընթացը կարգավորող գործոններ: Նման պարագաներում պետք է հաղթահարել աշխատուժի ազատմանն արգելակող և բանական վերաբաշխմանը չնպաստող գործոնները¹⁷:

Ռեսուրսային ներուժի մյուս բաղադրիչների զգալի մասի սահմանափակության ընդհանուր հենքում Հայաստանը ներկայումս բնութագրվում է և մոտապագայում նույնպես կբնութագրվի աշխատանքային ռեսուրսների վերարտադրության բավականին բարձր տեմպերով և էժան աշխատուժով: XX—XXI դդ. շեմին աշխատանքային տարիք մուտք գործող բնակչության բացարձակ մեծությունը կհասնի աննախադեպ չափերի: Տարիներ առաջ կատարված մեր կանխատեսումներով 1996—2005 թթ. տարեկան միջին հաշվով աշխատանքային տարիք մուտք պետք է գործեն 75—80 հազար պատանիներ ու աղջիկներ: Սակայն, 1991—1995 թթ. Հայաստանից կատարված մեծ միգրացիայի հետևանքով, հավանաբար, տարեկան միջին հաշվով այն կկազմի 50—55 հազար մարդ, որը ՀՀ համար դարձյալ շատ պատկառազու թիվ է: Ենթադրվում էր նաև, որ 1996—2005 թթ. ակտիվ աշխատանքային տարիքի (24—44 տարեկաններ) բնակչությունը տարեկան միջին հաշվով պետք է կազմեր 1 մլն 350 հազար մարդ (իրականում ավելի քիչ կլինի) 1986—1990 թթ. միջին տարեկան մեկ միլիոնի դիմաց: Մինչդեռ պետք է շեշտադրել, որ աշխատանքի շուկայում ծանր իրավիճակ է ստեղծվել նաև աշխատանքային տարիք մուտք գործող պատանիների ու աղջիկների համար: Դա կապված է ոչ միայն աշխատատեղերի պակասի, այլև տնտեսության կազմից մասնագիտական որակավորման նկատմամբ ներկայացվող նվազ պահանջարկի և, ընդհանրապես մասնագիտական որակավորման բարոյական արժեզրկման հետ: Ուստի Հայաստանի երկարատև զարգացման տնտեսական նպատակային ծրագրերում առանձնահատուկ տեղ պետք է զբաղեն երիտասարդ աշխատունակ տարիքի բնակչության մեծ մասի (արտասահմանում 2/3-ը) զբաղվածության խնդիրները: Պետք է ապահովել դրանց զբաղվածությունը ժամանակակից արտադրություններում և աշխատատեղերում, որոնք մրցունակ լինեն աշխատանքի արտադրողականության մեջ, աշխատանքի պայմաններով և աշխատատեղերի ու արտադրության կազմակերպման կուլտուրայով¹⁸: Հարկավոր է հաղթահարել աշխատանքի շուկայի նկատմամբ պետական մարմինների պասիվ վերաբերմունքը, այն համադրել զբաղվածության ցանկալի կառուցվածքի և դինամիկայի հետ՝ կարգավորելով դրա զարգացումը ցանկացած ուղղությամբ:

ՀՀ աշխատանքի շուկայի լարվածությունը սրվեց նաև այն պատճառով, որ խստագույնս ընկավ որակավորում պահանջող աշխատանքի հարգը, նվազեց երիտասարդության հետաքրքրությունը որակավորում պահանջող աշխատանքների նկատմամբ: Այդ հարցում հետաքրքրություն չի ցուցաբերել նաև արտադրությունը: Ինչու չէ, սեղանիկների ետևում կանգնած և մանրավաճառության մեջ ընդգրկված տարրական գրագիտություն ունեցող անչափահաս տղաներ, համապատասխան կրթություն և որակավորում չունեցող կանաչ օրական վաստակում են ավելի շատ, քան որակավորում ունեցող բանվորը, ինժեները, բժիշկը, ուսուցիչը, դոցենտն ու պրոֆեսորը ամսվա

17 Նույն տեղում, էջ 5—6, մանրամասն տե՛ս էկոնոմիկա, 1993, № 9—10, էջ 14:

18 Իրավիճակը նույնն է նաև ՌԴ և ԱՊՀ մի շարք այլ երկրներում, տե՛ս Российский социально-политический вестник, 1995, № 2, с. 7—8.

ընթացքում: Բարձր որակավորման տեղ անձինք սոցիալապես առավել անպաշտպան խավ են, որոնց մասին վկայում են ինչպես վճարվող աշխատավարձի ցածր մակարդակը, այնպես էլ զբաղմունքի հնարավորությունների պակասը: Ամենահարդիս առևտրում ընդգրկվածությունն է, ուր չի պահանջվում բարձր կրթական մակարդակ և հատուկ մասնագիտական պատրաստություն:

Զարգացած երկրներում բնակչության այդ խավը ամենացածր վաստակ ունեցողներն են: Աշխատանքային ներուժի արդյունավետությունը տուժում է ոչ միայն այն պատճառով, որ որակավորում ունեցողներին սպառնում է աշխատանքի հեռանկարի բացակայությունը, հասարակության կողմից անուշադրությունը, այլև այն, որ բարձր որակավորման աշխատուժի արժեքը միայն նոր թափ է առնում, և նրանք տեղափոխվում են իրենց որակավորման հետ կապ չունեցող ցածր որակավորման աշխատանքների ասպարեզ, քանի որ այստեղ վաստակը բարձր է: Տեղի է ունենում նաև ուղեղների արտահոսք դեպի ավելի շատ վաստակ ապահովող այլ բնագավառներ: Դրանով իսկ ոչ միայն անիմաստ վատնվում է մարդկային կապիտալը, այլև դանդաղում է նրա կուտակումը, քանի որ երիտասարդությունը դիմում է շատ պարզ դիտելիքներ պահանջող, բայց արագ օգուտ բերող զբաղմունքների: Իր հերթին, տնտեսական բարձր արդյունավետություն ապահովող ներուժի մի մասը անուշադրության է մատնված¹⁸:

Զպետք է անտեսել, որ Հայաստանի բնակչության մեջ մեծ թիվ են կազմում կրթական և պրոֆեսիոնալ որակական բարձր մակարդակով օժտված մասնագետները: Նրանք իրենց որակական հատկանիշներով քննություն են բռնում ոչ միայն ազգային, այլև, հաճախ, միջազգային շուկայում: Շատերը, ազգային շուկայում ղրկված լինելով մասնագիտական զբաղվածությունից, կորցնում են կապը աշխատանքի շուկայի հետ: Նման և վերը բնութագրված իրավիճակները տնտեսական արագ անկման հետ միասին հետևանք են նաև դրանով փոխադասանվողված աշխատանքային ռեսուրսների բնականոն ընթացքի բռնազրոսիկ խաթարման, այն շուկայական «թերապիայի» քառսային օրենքներին քմահաճորեն հարմարեցնելու վաղաժամ և անհեռատես քաղաքականության:

Սարսափելին այն է, երբ հետին սյլան է մղվում և մոռացության մատնվում մարդ-արարածի բոլոր հատկանիշներից ամենագլխավորը՝ բարիք ստեղծելը: Պարապոթությունն ու անգործությունը հասարակական շարիքի վերաճելու վտանգ են սպառնում: Դրանք իրենց սպառնացող հետևանքներով անդառնալի ազդեցություն կարող են ունենալ ոչ միայն տնտեսական անկման, այլև հասարակության բարոյահոգեբանական կերպարը բնութագրող չափանիշներից շեղվող արատավոր երևույթների տարածման վրա, եթե հասարակությունն իր մեջ չգտնի մի զորավոր ուժ՝ զարգացման բնականոն ընթացքի մեջ մտնելու և կացությանը տիրապետելու համար: Այդ զորավոր ուժը, որ իր ամբողջ կարևորությամբ հառնում է հասարակության առջև, առաջին հերթին, նրա գլխավոր հարստության՝ աշխատուժի, տնտեսական ակտիվության բարձրացումն է, հատկապես նրա որակյալ մասի վերարտադրության ընդհատված շղթայի վերականգնումը, այդ ներուժի նպատակամղված գործունեությունն ապահովող հունի բացումը: Դա, հենց դա պետք է դառնա պետության տնտեսական ու սոցիալական քաղաքականության առանցքային հարցերից մեկը: Բնակչության զանգվածային աղքատացման հետագա ընթացքը կասեցնելու, հասարակության գենոֆոնդի պահպանությանը սպառնացող վտանգից

18 Նույն տեղում: Անցման շրջանում աշխատանքի շուկայի պետական միջամտության մասին հետաքրքիր հարցադրումներ կան Համաշխարհային բանկի կողմից հրատարակված «Рынок труда и социальная политика в Центральной и Восточной Европе, переходный период и перспективы», Ն. Բարի խմբագրությամբ անգլերենից ռուսերեն համառոտ թարգմանված աշխատությունում:

փրկելու հիմնահարցի բանալին: Դա ամենից առաջ պահանջում է պետական հոգածություն, տեական ներդրումներ կիրառելու ակտիվ քաղաքականություն: Նոր աշխատատեղերի ստեղծման հիման վրա մարդկանց գործունեության համակողմանի խթանում: Անցման շրջանում դա կթևակցի պետության առջև ծառացած հոգսերը, բնակչության ստվար զանգվածների, սոցիալապես անպաշտպան խավերի կենսամակարդակի նվազագույնն ապահովելու, արտագաղթի ահազանցող շահերը մեղմելու և սոցիալական ալի շարիքների առաջն առնելու համար:

Աշխատանքի շուկայում լարվածությունը խորանում է նաև պետական ու տեղական մարմինների, գիտական համապատասխան օղակների անպատրաստության, տնտեսական ու սոցիալական կյանքում բուն շուկայական կարգավորման մեխանիզմների գործունեության համար որոշակի պայմանների բացակայության, անցման գործընթացում թույլ տրված սխալների, հապճեպության և անհարկի շտապողականության հետևանքով: Շուկայական հարաբերությունների անցման համար տնտեսական պարարտ հող նախապատրաստելու և էվոլյուցիոն ճանապարհով անցում կատարելու փոխարեն, գործընթացը թելադրվեց վերևից, խնդիրներն «իրականացվեցին» հրամանագրերով, մեկ ականթարթում: Չկան նաև աշխատանքի շուկայի կարգավորելու մի շարք նպատակամետ օրենսդրական ակտեր, եղածներն էլ կատարվել չեն: Հանրապետության առջև ներկայումս ծառացած գերխնդիրը զբաղվածության պետական քաղաքականության մշակումն է, այդ հարցում պետության կարգավորիչ դերի հստակեցումը: Նման քաղաքականությունը պետք է տարածվի ինչպես՝ պետական, այնպես էլ ոչ պետական կառույցների գործունեության վրա: Պետական կարգավորումը կարող է իրականացվել աշխատանքի բորսաների և զբաղվածության ծառայությունների միջոցով:

3. Աշխատանքի շուկայի կարգավորման պետական միջամտությունը: Անցման շրջանում պետությունը համապատասխան վարքագիծ պետք է մշակի, կարգավորի և ընթացք հաղորդի զբաղվածության արդյունավետության հետ կապված անխուսափելիորեն երևան եկող սոցիալ-տնտեսական մի շարք խնդիրների լուծման համար: Սոցիալական այդ խնդիրներից առաջնայինը աշխատանքի շուկայի պետական կարգավորման մասին մտահոգությունն է:

Բազմասեփականության հիման վրա անցումը շուկայական հարաբերությունների ենթադրում է նաև բնակչության զբաղվածության և արտադրողական ուժերի տեղաբաշխման ոլորտում պետության կողմից իրականացվող քաղաքականության որակական փոփոխություն: Նման փոփոխությունը պայմանավորված է ոչ միայն նրանով, որ շուկայական տնտեսության ռեսուրսների վրա փոխադրվող պետական ձեռնարկությունները պետք է օժտված լինեն աշխատանքային պրոցես ներգրավվող աշխատանքային ռեսուրսների քանակն ու որակը սահմանելու ավելի մեծ ինքնուրույնությամբ, այլև նրանով, որ հետագա զարգացում պետք է ստանան տնտեսական գործունեության ոչ պետական ձևերը: Անցումը շուկայական հարաբերությունների ինքնին ենթադրում է տնտեսության մեջ ազատ և անկախ ապրանքարտադրողների առկայություն: Նման պայմաններում թեև անցումը շուկայական հարաբերությունների անհնարին է՝ առանց աշխատանքային ռեսուրսների ազատ շարժի, սակայն դա բնավ չի նշանակում, որ պետությունը լրիվ հրաժարվելու է աշխատուժի առաջարկի ու պահանջարկի հաշվեկշռվածության ապահովման որոշ կենտրոնացված քայլերից, աշխատանքային ռեսուրսների կառավարումից: Պետական քաղաքականությունը պետք է որակական փոփոխություն ապրի: Զբաղվածության ուղղակի կարգավորման պետական քաղաքականությունը պետք է փոխարինվի դրա անուղղակի ձևերով՝ օգտագործելով տնտեսական լծակները, շուկայական մեխանիզմները, ազատ մրցությունը: Ինչ խոսք, սեփականության ձևերի աստիճանական զարգացումը և տնտեսական ինքնուրույնության հաստատումը արմատապես կփոխեն աշխատողի վարքագիծն աշխատանքի և արտադրության միջոցների օգտագործման նկատմամբ:

Հարկադրանքը իր տեղը կդիջի պահանջարկի ու առաջարկի ազդեցության տակ ձևավորվող աշխատանքի շուկայի գոյացմանը, որը կկարգավորվի զուտ տնտեսական լծակներով:

Բազմասեփականության պայմաններում, աշխատանքի ոլորտում պետության նախկին անմիջական վերահսկողության փոխարեն, վճռական նշանակություն պետք է ստանա աշխատանքային հարաբերությունների օրենսդրական կարգավորումը: Վարձու աշխատանքում ընդգրկված քաղաքացիների շահերի իրավական պաշտպանության նպատակով պետությունն օրենսդրական հիմունքներով պետք է մշակի և գործադրի նվազագույն երաշխավորված աշխատավարձի և աշխատօրվա տեղության սահմանները, կարգավորի գործատուների իրավունքները և պարտականությունները, աշխատանքի պայմանների և սոցիալական ֆոնդերը կազմավորող պարտադիր մասնաճանճանքների նկատմամբ կիրառի վերահսկողության հստակ և ճշուն համակարգ, խախտման դեպքում՝ տույժեր և տուգանքներ: Պետք է իրական պայմաններ ստեղծել արհմիությունների՝ որպես բանվորների և ծառայողների կոլեկտիվ շահերի պաշտպանի դերի կենսագործման համար: Վերջինս իրագործվում է արհմիությունների կողմից ընդունված կանոնադրական սկզբունքներով, որը հաստատվում է օրենսդրական հիմունքներով:

Արդյունավետ զբաղվածություն ապահովելու շահեր հետապնդող արտադրողական ուժերի տեղաբաշխմանը, տնտեսության ճյուղային կառուցվածքի նպատակամաս ձևավորման հետագա ընթացքի բարելավմանը, այդ ճանապարհով աշխատանքային ռեսուրսների միջպետական, միջշրջանային, միջճյուղային տեղաշարժերի ընթացքի կարգավորմանը պետությունը կարող է մասնակցել արգելակող կամ խթանող տնտեսական լծակները ակտիվորեն շարժման մեջ դնելու միջոցով, երկարատև կապիտալ ներդրումների (ինվեստիցիաների) բաշխման, հարկային, վարկային, մաքսային, նաև աշխատավարձի քաղաքականությամբ: Այդ քաղաքականությամբ պետությունը կարող է խթանել կամ արգելակել նոր աշխատատեղերի ստեղծումը:

Հանրապետության համար գերխնդիրը նոր աշխատատեղեր ստեղծելու համար պետական ազգային քաղաքականության մշակումն է և կիրառման համար բարենպաստ պայմանների ապահովումը: Նման քաղաքականությունը պետք է դառնա երկրի սոցիալ-տնտեսական զարգացման ծրագրի կարևորագույն քաղաքականասու: Խոսքը կոնկրետ դեպքում վերաբերում է հանրապետության ներքին տնտեսական աղբյուրների մոբիլիզացմամբ ազգային տնտեսության ակտիվացմանը, ազգային տնտեսության գիմանկարը բնորոշող, պաշտպանական ու ռազմավարական նպատակներ հետապնդող ճյուղերի առաջնահերթ զարգացմանը, նրանց նկատմամբ հովանավորչական քաղաքականության կիրառմանը:

Այդ նպատակով անցման շրջանում առաջին հերթին անհրաժեշտ է²⁰. ա) աստիճանաբար հաղթահարել երկրի տնտեսական վերարտադրողական կառուցվածքի ձևախեղումները, բ) միջոցներ ներդնել հանրապետության տնտեսության վերակառուցմանը՝ պաշտպանունակ, ինչպես նաև բնակչության սպառունակ պահանջները բավարարող առանձին ճյուղերի և արտադրությունների առաջնային զարգացման նպատակներով: Դա վերաբերում է արդյունաբերության ճյուղային կառուցվածքի բարելավմանը, երկրի պաշտպանունակությունն ապահովող ճյուղերի զարգացմանը, պետական պայմանագրային, պատվերային, ինչպես նաև արտոնյալ ինվեստիցիոն քաղաքականությամբ գյուղատնտեսության ներկայումս խորացող ապամասնագիտացումը հաղթահարելուն, գ) մշակել և իրականացնել առանձին շրջանների ու գոտիների հատուկ նպատակային ծրագրեր, գ) արտոնյալ պայմաններով վարկ

²⁰ Ավելի մանրամասն տե՛ս В. Ходжабекян, Трудовые ресурсы и проблемы занятости (Проблемы теории и практики управления), М., 1996, № I, с. 48—53).

տրամադրել նպատակային ծրագրերում ոչ պետական սեկտորից մասնակցություն ունեցող ձեռնբեցնեքին և այլն, ե) ապահովել հասարակական արտադրության և զբաղվածության այնպիսի մակարդակ, որն առնվազն դառնա բնակչության կենսամակարդակի նվազագույն շափը պահպանելու երաշխիք²¹, զ) խթանել տնտեսական աճի ինվեստիցիաներ չպահանջող գործունեություն, օրենսդրական դաշտ և համապատասխան պայմաններ ստեղծել փոքր բիզնեսի և ինքնազբաղվածության համար, է) պայմաններ ստեղծել ավելցուկ զբաղվածության անհետացման, մասնագիտական տեսակետից ոչ պիտանի աշխատատեղերն ավելի որակյալներով փոխարինելու համար: Նպաստել ավելի որակյալ աշխատողների թվակազմի ավելացմանը այն ձեռնարկություններում, որոնց արտադրանքը իրացվում է և ունի արտահանման հեռանկար, ը) ժամանակի ընթացքում հող նախապատրաստել թողակառուների, նախաթողակային տարիքի բնակչության, հաշմանդամների, բազմազավակ մայրերի նպաստների շափերը բարձրացնելու և կենսամակարդակի նվազագույն մակարդակին հասցնելու համար: Իր սոցիալական նշանակության հետ միասին դա հիմք կդառնա նրանց զբաղեցրած աշխատատեղերը ազատելու համար, պայմանով, որ աշխատատեղերի ազատումն ուղեկցվի նվազագույն սոցիալական կորուստներով²²:

4. Զբաղվածության ֆինանսական աղբյուրները և դրանց օգտագործման ուղղությունները: Զբաղվածության պետական քաղաքականությունն իրականացնելու համար կպահանջվեն վիթխարի ֆինանսական միջոցներ: Ներկայումս պետության սահմանափակ ֆինանսական ռեսուրսների պայմաններում դրանք կարող են գոյանալ հետևյալ աղբյուրների հաշվին.

— բյուջետային հատկացումներ (ազգային եկամտից կատարվող հաստատուն տոկոսադրույքներով),

— ստվերային էկոնոմիկայի բացահայտմամբ կիրառվող հարկային քաղաքականությամբ գոյացող միջոցներ,

— քրեածին տարրերի բացահայտմամբ առգրավվող միջոցներ,

— ինվեստիցիոն հատկացումներին կայուն տոկոսադրույքներով կատարվող մասհանումներ,

— առևտրական բանկերից գանձվող միջոցներ,

— արտաբյուջետային ֆոնդերից գանձվող միջոցներ, որոնք ներկայումս գործում են բացառապես շրջանառության ոլորտում,

— մասնավոր գործատուներից, վարձու աշխատանքից եկամուտ ստացող այլ քաղաքացիներից պետական բյուջե մուտքագրվող նպատակային հատկացումներ՝ ելնելով դրանց եկամտի մեծությունից, աճող տոկոսադրույքներով,

— արտաքին և ներքին առևտրից գոյացող եկամուտներից կայուն տոկոսադրույքներով կատարվող հատկացումներ,

— նվիրատվություններ:

Հարկավոր է ստեղծել. զբաղվածության նպատակային հիմնադրամ, զբաղվածության ապահովագրական ֆոնդեր, զբաղվածության համապետական, մարզային և շրջանային մակարդակներով հատուկ ղեկավարվող ֆոնդեր:

²¹ Հարցադրումը տե՛ս Вопросы экономики, 1994, № 2, с. 148.

²² Մանրամասն տե՛ս Վ. Խոշարեկյան, Բնակչությունը և միգրացիաները: Գործարար Հայաստան, 1995, № 3, էջ 7—12, Концепция женской занятости, с. 28—34; Н. М. Шакин, Экономическая деятельность женщин; Моника С. Фонг, Роль женщины в перестройке российской экономики, Вашингтон, 1994, с. 28—32; Российский социально-политический вестник, 1995, № 2, с. 6.

Անկախությունը ֆինանսական միջոցները կարող են հատկացվել ներհանգիստ-
յալ նպատակներին համար:

- պետական կառույցներում նոր աշխատատեղերի ստեղծում
- օրենսդրորեն սահմանված ժամանակամիջոցում գործազուրկների
և արտաքին շուկայի վճարում
- աշխատանքային տարիք մուտք գործող և աշխատելու ցանկություն-
ունեցող մարզկանց և գործազուրկների որակավորման, վերաորակավորման,
մասնագիտական կողմնորոշման, հատկապես նոր մասնագիտությունների
ուսուցման, աշխատուժի շարժի ընթացքում ծագող նոր պահանջների համե-
մատ աշխատողների աղապատացման և այլ նպատակներով

— արտակարգ պայմաններում զբաղվածության հույս կարևոր հարցեր
կարգավորելու, զբաղվածության սուր կարիք ունեցող շրջաններից բնակչու-
թյան անհարկի տարաբնակեցումը մեղմելու և այլ նպատակների համար:
Նման նպատակներին հիմնականում կարող են ծառայել հատուկ ռեզերվային,
ինչպես նաև ապահովագրական ֆոնդերը

— արտոնյալ պայմաններում կանանց աշխատատեղով ապահովելու և
աշխատանքային պայմանները բարելավելու համար: Այդ նպատակով. ա) աշ-
խատող կանանց համար գործունեության բոլոր ոլորտներում օրենսդրական
կարգով սահմանել տղամարդկանց համեմատ մեկ ժամով ավելի պակաս աշ-
խատանքային օր, բ) կանանց համար գործունեության ոլորտն ընդլայնել
հատկապես սպասարկման ճյուղերում, նրանց շնորհիվ վնասակար արտադ-
րություններում և ծանր ֆիզիկական աշխատանքներում, գ) խրախուսել տնա-
յին պայմաններում կանանց զբաղվածության ընդլայնմանը, դ) զյուզակա-
ր բնակավայրերում փոքր մեքենաների կիրառմամբ նպաստել օժանդակ տրե-
տեսություններում կանանց զբաղվածության հեշտացմանը և ընդլայնմանը,
ե) աջակցել «Մայրության ֆոնդ» հիմնադրամին, որը գերազանցապես կա-
րող է օգտագործվել կանանց աշխատանքային և մայրական պարտականու-
թյունների միջև բնականոն համամասնություն ապահովելու, մայրության և
մանկության պաշտպանության, նորածինների խնամքի համար մայրերին
հատկացվող ֆիզիոլոգիական արձակուրդների ժամկետները երկարացնելու
և սոցիալական այլ արտոնությունների համար: Նման ֆոնդերը ինչ-որ չա-
փով կլրացնեն պետության ժողովրդագրական քաղաքականությունը:

Ջրաղվածության պետական քաղաքականության իրականացման գործըն-
թացում մասնավոր գործատուներին, մասնավորապես փոքր և միջին ընկեր-
սով զբաղվող ձեռներեցներին լայնորեն ընդգրկելու նպատակով, հավանաբար
անհրաժեշտ է ստեղծել համապատասխան արտոնություններ ապահովող
հատուկ օրենսդրական դաշտ:

Դա հնարավորություն կընձեռնի. ա) նվազեցնել զբաղվածության նպա-
տակով եկամուտներից պետական բյուջե մուտքագրվող, սոցիալական ապա-
հովությանը հատկացվող մուծումների չափերն այն գործատուներից, ովքեր
ստեղծել են նոր աշխատատեղեր, ուր ընդգրկվել են առաջին անգամ աշխատելու
ցանկություն ունեցող և աշխատանքային տարիք մուտք գործած քաղաքացի-
ներ, ինչպես նաև կանայք, բ) սատար կանգնել զբաղվածության ոլորտն ընդ-
լայնելու համար հատուկ ռիսկի դիմած գործառույթներին՝ սոցիալական ապա-
հովության ֆոնդերի հաշվին, գ) պետական համակարգի մեջ շտապող այն
ձեռներեցներին, որոնք զբաղվածության համար ներդրումներ են կատարել
ուղղմավարական նշանակություն ունեցող կարևոր արտադրություններում,
տրամադրել արտոնյալ վարկ՝ ցածր տոկոսադրույթներով, մարման երկարա-
տև ժամկետներով, դ) այդպիսի մասնավոր ձեռներեցներին ընձեռնել համա-
պատասխան պայմաններ և շահագործել պետական նպատակային ծրագրերի
մեջ ընդգրկվելու համար, ե) պետական պատվերների միջոցով նպաստել աշ-
խատուժի միջընթացային և միջճյուղային բաշխմանը, իրականացնել նպա-
տակային տարաբնակեցումներ, զ) առանձնահատուկ պայմաններ ընձեռնել
պետական համակարգի մեջ շտապող այն ձեռներեցներին, որոնք մեծ ռիսկի

են դիմոլ և իրենց տնտեսական գործունեությանը նպաստում են հանրապետության առանձին տարածքներում զանգվածային գործադրկությունը մեղմելուն, բաղադրական արդյունավետության բարձրացմանը, կասեցնում են բնակչության անհարկի արտագաղթը, նպաստում տեղում նրա կայունացմանը: Խոսքը մասնավորապես վերաբերում է այն ձեռնբեղներին, ովքեր գյուղատնտեսական փոքր մեքենաների արտադրությամբ աջակցում են գյուղում աշխատանքի ասպարեզի ընդլայնմանը՝ գյուղին մատակարարելով գյուղատնտեսական մեքենաներ, պահեստամասեր, վառելիք, պարարտանյութ, թունաքիմիկատներ:

Այսպիսով, պետք է մտահոգվել նոր աշխատատեղերի ստեղծման պետական ազդային քաղաքականության մշակումով:

5. Հայրենական արտադրողների շահերի պաշտպանությունը²³: Առաջնահերթ խնդիրը հայրենական արտադրողների շահերի պաշտպանությունն է: Դա, առաջին հերթին, վերաբերում է մեքենաշինությանը, հանքահումքային ռեսուրսներից պատրաստի արտադրանք ստացող ձեռնարկություններին, ինչպես նաև գյուղատնտեսությանը: Օրինակ, գյուղատնտեսական մթերքների ներկրման նկատմամբ բաց քաղաքականությունը հանգեցրել է և կհանգեցնի հանրապետությունում գյուղատնտեսական մի շարք մթերքների արտադրության չափերի կրճատմանը, այդ մթերքները վերամշակող ձեռնարկությունների մասշտաբների, ուստի և զբաղվածության, խիստ անկմանը: Իրանից անարգել ներմուծվող սպիրտը վնաս է տալիս խաղողագործությանը: Այդպես է մրգերի, բանջարաբուստանային մշակաբույսերի, մասնավորապես կարտոֆիլի հետ: Մաքսային քաղաքականությամբ պետությունը պետք է հովանավորի հայրենական արտադրությունը, խթանի նրա մասշտաբների ընդլայնումը մինչև այն պահ, որ արտադրությունը դառնա մրցունակ: Դա չի խանգարում, որ իր տնտեսական զարգացման ընթացքում Հայաստանը վարի լայնամասշտաբ ինտեգրացիոն քաղաքականություն: Անկասկած, այդ քաղաքականության հիմքում պետք է ընկած լինի ներպետական ինտեգրացիան, այսինքն՝ ներքին շուկայի զարգացումը պետք է տեղի ունենա նաև սեփական արտադրության և ոչ միայն արտասահմանից ներմուծվող ապրանքների հաշվին: Դա աղքատացնում է երկիրը: Ում հայտնի չէ, որ ներմուծվող այդ ապրանքների դիմաց, եթե չի արտահանվում հայրենական արտադրանք, մնացորդը փակվում է ոսկով: Եվ պատահական չէ, որ հանապազօրյա կարիքները բավարարելու համար երկրից արտահոսում է բնակչության, ընտանիքների ոսկեղենը, արդուզարդը, ադամանդեղենը:

Այս առումով պետությունն իր հովանավորչական քաղաքականությամբ պաշտպանելով հայրենական արտադրողների շահերը, պետք է նպաստի արտահանող ձյուղերի զարգացմանը, տնտեսական լծակների կիրառմամբ սատար կանգնի այլ երկրների հետ հիմնավոր տնտեսական ինտեգրացիայի ծավալմանը: Նման քաղաքականությունը վերաբերում է այն երկրներին, որոնք իրենց արտադրության ցածր տեխնիկական բազան և աշխատուժի արտադրողականության ցածր մակարդակը փոխհատուցում են էժան աշխատուժով, զարգացած երկրների համեմատությամբ բաղապատիկ ցածր աշխատավարձով և, դժբախտաբար, համաշխարհային շուկայում ինչ-որ չափով դառնում են մրցունակ:

Մինչդեռ արտաքին տնտեսական կապերի լիբերալացման և բաց էկոնոմիկային անցնելու պայմաններում թույլ են մշակված հայրենական արտադրողների շահերի պաշտպանվածության հիմնադրարարները: Անցումը բաց էկոնոմիկային միանգամից չի լինում:

Արտաքին աշխարհի առջև իրենց դռները լայնորեն կարող են բացել միայն հզոր տերությունները, այն էլ ոչ միշտ: Անցումը բաց էկոնոմիկային

²³ Հարցադրումը ավելի մանրամասն տե՛ս В. Ходжабекян, Экономическая интеграция Армении (Проблемы теории и практики управления), 1996, № 6, с. 42—50).

պետք է տեղի ունենա փուլ առ փուլ, այն զուգակցելով միջազգային շուկայում հայրենական արտադրողների մրցունակության բարձրացման հետ: Արտաքին տնտեսական ռազմավարությունն իր հիմքով պետք է բխի հայրենական ռեսուրսային ներուժի օգտագործման քաղաքականությունից:

Աշխատանքի միջազգային բաժանման ասպարեզում Հայաստանը ամենից առաջ կարող է հանդես գալ իր աշխատանքային ներուժով: Այդ նպատակով պետք է մտահոգվել աշխատանքային ներուժի որակական մակարդակը աստիճանաբար միջազգային շահանիշներին մոտեցնելու նախադրյալների ստեղծմամբ, որը բարձր որակավորում պահանջող աշխատատար և գիտատու արդյունքների արտադրությունը խթանելու հետ միասին հնարավորություն կընձեռի ստեղծագործական մտքի յուրօրինակ արդյունքների (տեխնիկական նախագծեր, տեխնոլոգիական մտահղացումներ, գյուտեր, ստեղծագործություններ և այլն) արտահանությանը, մասնավորապես որ մտավոր աշխատանքի պտուղները ցանկացած պահի, առանց արհեստականորեն հարուցվող դժվարությունների կարող են անարգել արտահանվել ամեն մի երկիր՝ զերծ մնալով շրջափակումներից: Իր հովանավորչական քաղաքականությամբ պետությունը պետք է նպաստի ուղեղների արտահոսքի կասեցմանը ղեկավարելով նրանց զբաղմունքի հետ առնչություն չունեցող բնագավառներ և այլ երկրներ:

Այսպիսով, անցման շրջանում աշխատանքային ռեսուրսների օգտագործման ակտիվացման կարևորագույն պայմանը ազատ մրցության համար օրենսդրական դաշտի ապահովման հիման վրա տնտեսության բոլոր ճյուղերի աշխուժացումն է, ներքին շուկայի ձևավորումը, երկրի ներսում գոյություն ունեցող ներուժի բոլոր տարրերի նպատակամետ օգտագործումը: Իրանով հանդերձ, հարկավոր է նկատի ունենալ, որ զբաղվածության հիմնահարցը իր սրությունը կպահպանի նույնիսկ տնտեսական աճի վերահաստատման պայմաններում: Դա բացատրվում է ոչ միայն սպասվելիք ժողովրդագրական իրավիճակով, այլև աշխատանքային ներուժի արդյունավետության բարձրացման անանց անհրաժեշտությամբ, մրցության պայմաններում աշխատանքային տարիք մուտք գործելու համար նախապատրաստվելու, համապատասխան որակավորում ձեռք բերելու, աշխատանքից աղատվելու, աշխատողների վերաբաշխման մշտապես ընթացող իրավիճակով:

ФОРМИРОВАНИЕ РЫНКА ТРУДА И ПРОБЛЕМЫ ЗАНЯТОСТИ В ПЕРЕХОДНЫЙ ПЕРИОД

В. Е. ХОДЖАБЕКЯН

Р е з ю м е

Во многих странах СНГ рынок труда как таковой только-только формируется. В процессе формирования рынка Армения характеризуется своеобразными чертами, выступающими в качестве непосредственного отголоска создавшейся геополитической ситуации, землетрясения, более резкой выраженности топливно-энергетического кризиса, неподготовленного, безвременного и необоснованного разгосударствления (в частности, в аграрном секторе), а также демографических факторов (в особенности наличие огромных масс депортированного из соседней республики населения). Необходимо также иметь в виду большое число населения, вступающего в трудоспособный возраст, и постудельного веса экономически активного трудоспособного населения в общей численности населения, вывоз капитала и, как следствие всего этого, беспрецедентные размеры эмигрирующего населения.

На рынке труда РА определенную роль играет безработица, проявляющаяся как в явной, так и скрытой формах. Численность официально зарегистрированных безработных в 1995 г. составила 131,7 тыс. чел., что не является реальной цифрой. Существует скрытая безработица. Одни, не будучи профессионально занятыми на национальном рынке труда, теряют с ним связь, другие переходят на низкоквалифицированную работу, обеспечивающую большую прибыль. Таким образом, обесценивается высококвалифицированная рабочая сила, происходит также отток умов.

Наивысшая цель, стоящая в настоящее время перед государством — разработка государственной политики занятости, уточнение в этом деле регулирующей роли государства.